

YEREMIN SWII

Yeremi u swī Yerusalemu ye ba wəri ba kəsukan sō ka sere Yudaban toranun sō. U wigibu tubusia yēn sō Gusunō u dera yibereba ba kua mē. Adama u nēe, Yudaba bà n gōru gəsia, Gusunō u koo bu win wənwəndu sō̄si.

Tire ten kpunaa

1. Yerusalemu ya sāa nge kurō gəmini, wiru 1.
2. Yinni Gusunō u Yerusalemu səeyasia, wiru 2.
3. Nəni swāaru sō̄, yīiyəbu wāa, wiru 3.
4. Yerusalemugibun wahala tabun sō, wiru 4.
5. Yinni Gusunō, a de su wurama wunen mi, wiru 5.

Yerusalemu ya sāa nge kurō gəmini

¹ Yerusalemu yē sō̄ təmba raa dabi,
wee ya wāa ye təna,
ya kua nge gəmini.
Ya raa yīsiru yara bwesenun suunu sō̄.
Wee tē ba ye yoru diisiāmō.

² Ya wuri mō wəku giriru
ma yen nəni yīresu kokumō.
Be ba raa sāa yen kīnasibu,
ben goo sari wi u ye nukuru yemiasiamō.
Be kpuro ba kuawa naane sariba,
ma ba kua yen yibereba.

³ Ba Yudaba gura ba ka doona tem tukumō.
Məya, ba bu dam dəremō ba yoru diisiāmō.
Ba ku ra n wērabu mō.
Ben yibereba ba bu wəri subaru sō̄
ba deema ba wāa nəni swāaru garu sō̄.

- 4** Yerusalemu ya wāa nuku sankiranu sōo,
domi ba ku ra maa yen swēe sī bu tōo bakaru na.
Goo kun maa wāa yen gbāra kənnəwō.
Yen yāku kowobu ba weeweenu mè.
Yen wəndiaban nuki sankira.
Yen tii ya wāa nuku sankira bakaru sōo.
- 5** Yen yibereba ba ye tabu di,
ma ba wāa bɔri yendu sōo.
Yinni Gusunəwa u ye nuku sankira ni kpēe
yen tora dabinun sōo.
Wee yibereba ba yen bibu kpara
ba ka da ba yoru diisiamō.
- 6** Yerusalemun bēre ya kpa.
Ma yen wirugibu ba ka gini weenē
yi yi n̄ yakasu wa yi di.
Yi n̄ maa dam mō
ma yi duki mè taason wuswaan di.
- 7** Saa yeni sōo, Yerusalemu ya wāa yāaru sōo,
yen təmba yaayaare mè.
Yera ya yaaya gāa gee ni ya raa mō yellu.
Sanam me yen yibereba ba ye kamia,
ya goo bia u na u ye somi,
ma n̄ yibere be dore, ba ye yaakoru koosimō.
- 8** Yerusalemu ya tora too.
Yen sōna ba ye tusa.
Be ba raa ye doke,
bà n̄ yen bənsu wa ba ra ye gəmwā.
Wee, yen tii, ya weeweenu mè,
ya wāa sekuru sōo.
- 9** Wee, yen durum ȳrеру та wāa yen yaberō.
Adama ya n̄ daa yen kpeeru bwisikā.
Ya wəruma subaru sōo
goo kun ye nukuru yemiasie.

Ma ya nəəgiru sua ya nεε,
 Yinni Gusunø, a nən nəni swāaru mεərio.
 A mεərio nge mε yibere u tii sue.
10 Wee, ba nən gāa gee ni na mə gura.
 Wee, bwese tuku ni a yina nu n wāa ka wunen
 tɔmbu sannu,
 nu dua wunen sāa yero.
11 Wee, Yerusalēmu gipu kpuro ba wasire
 ba dīanu kasu ni ba koo di.
 Ma ba ka ben gāa geenu dīa ni kəsina
 bu wa ba n ka wāa.
 Yerusalēmu ya nεε,
 Yinni Gusunø, a mεərio nge mε na wənwəndu
 soore.

12 Bεεya na ka yā, bεε be i sarø mini kpuro.
 I mεərio nəni swāaru garu tā n maa negii teni kere,
 te Yinni Gusunø u man kpēe win mərun saa sōo.
13 Saa wəllun di n sāare u dōo surema nən wasi sōo,
 ma u man di.
 U nən naasu yina beria.
 Ma u man sura gbaru gbara
 u man kpēe nuku sankiranu sōo sere ka
 baadommao.
14 U nən toranu kpuro mənna
 nge wēe yi ba tara.
 Ma u nu gbinisi nən wīrø.
 U nən dam bua.
 Ma u man yibere nəmu beria
 mi na n kpē n ka tii yina.
15 Yinni Gusunø u nən tabu kowobu surura.
 U tabu durəbu mənna
 bu ka nən aluwaasiba kam koosia.
 U nε, Yerusalēmu taaka
 nge mε ba ra resəm taaku.

16 Yen sōna na wura mō,
na nōni ȳiresu kokumō.

Wi u koo man nukuru yemiasia u man wāaru
wesia,
u man deri.
Nen biba nuki sankire,
domi yibere u man kamia.

17 Na nōma yiya na kanaru kua.
Adama goo kun ne u man nukuru yemiasia.
Yinni Gusunō u dera be ba ka nen tōmbu Isireliba
sikerene
ba kua nen yibereba,
ma ba man garisi disi.

18 Yinni Gusunō u gem mo ye u ka kua me.
Domi na n̄ win gere mem nōowē.
Bεε bwesenu kpuro, i swaa dakio i no,
kpa i nen nuku sankiranu wa.
Nen wondiaba ka nen aluwaasiba ba yoru da tem
tukumō.

19 Na nen k̄inasibu somiru kana,
adama ba man bōrō kōoru kua.
Nen yāku kowobu ka wuun gurobu ba gu nen
swεε sōo
sanam me ba dīanu kasu ni ba koo di ba n ka wāa.
20 Yinni Gusunō, a nen nōni swāaru mēerio,
nen bwēra kun kpi.
Na nuki sankire too,
domi na n̄ nun mem nōowē.
Tōowē tabu sun dimō.
Ma wuun sōowē goa Wāa.
21 Ba nen weeweenu nua.
Adama goo kun man nukuru yemiasie.
Yibereban nukura dora, yēn sō a man kua me.

N n men na, a de tōo te, tu na te a gerua mi,
kpa bu ko nge ne.

²² A ben nuku kōsuru mērio,
kpa a bu kua nge me a man kua nēn durum kpāarun
sō.

A mērio nge me na weeweenu mō, nēn nuki
sankire.

Yinni Gusunō u Yerusalēmu seeyasia

2

¹ Yinni Gusunōn mōru baka ya seewa.

Ma ya Yerusalēmu wukiri nge guru wii bākaru.

Yen bēre ye ya raa girari sere guru winō,
u ye kara u kō temō.

Win mōru yen saa sōo,
u n̄ yaaye ma Yerusalēmu ya sāa win naa sānditia.

² U Isireliban wāa yenu

ka ben wusun gbāranu kpuro surura ka mōru
wōnwōndu sari.

Ni wee nu wōruka temō.

U ben bandu ka ten wirugibun dam bua.

³ U Isireliban dam kpuro bua win mōru bakan sō.

U tii bōkua sanam mē yibereba ba bu wōrim na.

Ma u Isireli be dōo kare,
ma dōo wi, u bu di beri berika.

⁴ U bu win tēndu gawe ka win nōm geu.

Ma u bu yīsi nge yibere,
u kpuro go ye ya gea sāa ben nōni sōo.

U dera win mōru yabura nge dōo
ben wāa yeno Yerusalēmuō.

⁵ Yinni Gusunō u Isireliba wōri nge yibere.

U bu mwa nge dōo u ben dii geenu di.

U ben gbāranu kōsuka,

ma u dera wuri yi nəəramə baama ben suunu səə.

6 U win sāa yeru kəsuka.

U dera ba ku ra maa sāarun tōo bakanu ka tōo wērарugiru di.

Win məru seewa ka dam.

Ma u sina boko ka yāku kowobu yina.

7 U win sāa yeru mi ba ra nùn yākuru kue biru kisi.

U yibereba Yerusalemun dii geenu nəmu bəria.

Ma wəkinu nəəra win sāa yeru mi, nge tōo bakanun
sāa.

8 Yinni Gusunə u gəru doke u Yerusalemun
gbāranu kəsuku.

Wee u nu kəsuka kpuro mam mam.

Ya kua wənwəndu baama kpuro.

Gbāranu yiru ye kpuro ya kua bansu.

9 Yen kənnəsu su numə temə.

Sin dāa ye ba ra ka su sēsuku ya bəəkira.

Ma ba yen sina boko ka yen wirugibu gura
ba ka da tem tukumə.

Wooda maa sari.

Baa Gusunən səməbu ba n̄ maa kāsinu waamə win
min di.

10 Wee, yen guro gurobu ba sō temə ba nəsu maari.

Ba tii torom wisi wino,

ba saaki deewa nuku sankiranun sō.

Ma yen wəndiaba ba sō ba tuke.

11 Nən nəni yandamə wurin sō.

Nən wasi gbisimə ma nən torora kare.

Domi nən təmbə kam kua.

Wee, bii wēenu ka bibu ba wāa Yerusalemun swēε
sō,

ba n̄ maa dam mə.

12 Ba ben mərobu sōmə ba mə,
mana sa ko dīanu wa.

Ma ba wərukumə swēe sōo nge be ba mēera kua.
 Gaba gbisukumə ben meron tororu wəllə.

¹³ Yerusalemu, mba kon nun sō.
 Mba kon ka nun weesina.
 Wara u maa nəni sōore nge wunə,
 n ka kpī n nun nukuru yemiasia.
 Domi wunen nəni swāara kpā nge nim wōkun nim.
 Goo sari wi u koo kpī u tu kpeesia.

¹⁴ Wunen səməbu ba nun gari weesugii sōwa.
 Ba n̄ nun wunen toranu sōssi
 bu ka nun gbara yorun di.
 Gari weesugiiya ba nun sōwa yi yi nun nəni
 wōkuā.

¹⁵ Wee, tē wi u sarə u ra nun takə koosiwa u yēe,
 kpa u wia ko u nee,
 wuu geniwa ba ra raa soku wuu burə,
 gēn sō handunian təmbu kpuro ba ra n nuku dobu
 mō?

¹⁶ Kpa yibereba ba n nəo təndu beri
 ba n nun yēemə ba n mō,
 sa nun mwē nge dīa dəka.
 Wee, tō te sa mara ta tunuma,
 sa tu wa.

¹⁷ Yinni Gusunə u kua ye u gōru doke.
 U yibia ye u gerua saa yellun di u nee,
 u koo ko.

Wee u wunə Yerusalemu kam kua.
 U n̄ wunen wənwəndu wa.
 U dera yibereban nukura dora wunen sō,
 domi u bu dəm kā.

¹⁸ Yerusalemu, a Yinni Gusunə nəögiru sueyo,
 a de u wunen wuri nō.
 A nəni yīresu kokuo nge daaru.

A ku wēra, a ku wuri mari.

¹⁹ A seewo a wuri ko wēkuru,
a wunen gōru kpuro kusia Yinni Gusunən
wuswaaə.

A nəma yiyo a nùn kana wunen bibun s̄
be ba gbimə swee səə gōerun s̄.

²⁰ Yinni Gusunə, a m̄eərio a wa.

Wara a kuare nge m̄e.

Mban s̄əna a dera t̄n kurəba ben bibu temə be ba
kī mi.

Mban s̄əna a dera yibereba ba maa wunen səməbu
ka yāku kowobu go wunen sāa yero.

²¹ Wee bukurobu ka bibun gonu nu kpī swee səə.

Ba nən wəndiaba ka aluwaasiba go tabu səə.

A dera ba bu sakira wənwəndu sari, wunen mərun
saa.

²² A nən yibere be na nasie sokusia baaman di
ba mənna nge t̄o bakarun saa.

Yen dəma te, goo kun kisire.

Goo kun maa seewe bii be na kī na seeya səə.

A dera nən yibere u bu go kpuro.

Nəni swāaru səə, yīiyəbu wāā

3

¹ Na sāawə tənu wi u nəni swāaru yε
te ta na Yinni Gusunən mərun s̄.

² U dera na da yam wēkuru səə, mi yam bururam
sari.

³ Nε turowa u nəma doke bururu ka yokə.

⁴ U dera na woora saa nən wirun di sere ka nən
naasə.

N sāare u nən kukunu kəsuka,

⁵ u ka man ńuku sankiranu ka nəni swāaru bunana
nge gbāraru.

6 U dera na da yam wōkuru sō
nge gōri be ba gu n tē.

7 U man gbāraru bunana n ku ka yari,
ma u man bōkua ka yōni damgii.

8 Ma na nōgiru sua na somiru kana.
Adama u n̄ man swaa daki u sere nēn kanaru mwa.

9 U nēn swaa kēnua ka kpee bakanu,
u ye go.

10 U kukua u man mara
nge gbeeku bōō ge ga yaa mara.
U man mara nge gbee sunō
ge ga yaa yōōru bwēēyē.

11 U nēn swēē bōōra,
ma u man mwa u gēēka.

12 U win tendu bēri

ma u man kua nge yaa ye u koo to.

13 U nēn yēsa yabura ka sēēnu.

14 Ma tōmbu kpuro ba man yēēmō
ba womusu dokemō tōō baatere.

15 U dera na nōni swāarū wa
ma nuku sankirara man goomō nge tam.

16 U dera na kpenu tema
ma nēn donnū bōōkira.

Ma u man torom wisi.

17 U dera na n̄ maa wāā bōri yēndu sō,

na n̄ maa nuku dobu mō.

18 Ma na gerua na nēē,

na n̄ maa dam mō,

na n̄ maa gāānū yīiyō wi, Yinni Gusunōn mi.

19 Nà n nēn nōni swāarū yaaya,
n da n sāarewa nge dāā sosurarun nima na nōra ka
dēē.

20 Nà n yeniba kpuro yaaya, na ra wururewa.

- 21** Adama wee ye ya man yīiyəbu wēemə.
 Na kī n tii ye yaayasia n gere.
- 22** Yera, Yinni Gusunən durom kun kpə,
 win wənwənda kun maa nəru kue.
- 23** Ta ra n wuramaməwa bururu baatere.
 Win bərəkiniru ta kpā.
- 24** Na nəe, Yinni Gusunə u sāawa negii.
 Yen sōna na yīiyəbu mə wi səo.
- 25** U ra wi u nùn naane sāa kīru sōsi,
 kpə u wi u nùn kasu durom kua.
- 26** Ya wā tənu ù n Gusunən somiru mara ka
 temanabu.
- 27** Ya wā tənu u Gusunən yoru wura win aluwaaśiru
 sōo.
- 28** U n laakari məeribu gabu wa,
 u tii gawo sēe u da u n wāa wi turo,
 domi Yinni Gusunəwa u nùn bu kpēe.
- 29** U n nùn wiru kpīye win nuku sankiranu səo,
 kpə u n yīiyə ma u koo nùn somi.
- 30** U wi u nùn baara soomə baaru tīiyə u səmə,
 kpə u wura bu nùn wəmə.
- 31** Domi Yinni Gusunə u ku ra tənu biru kisi ka
 baadomməo.
- 32** Baa ù n dera yēro u nəni swāaru wa,
 ka mə, u nùn kī too,
 domi win wənwənda kpā.
- 33** N n win kīru u ka tənu nəni sō,
 kpə u nùn nuki sanku.
- 34-36** Yinni Gusunə u yē
 sanam mə ba yobu nəni sōmə ba taakumə.
 U yē sanam mə ba n təmbu kuammə nge mə n
 weenə.
 U yē sanam mə ba n bu siriammə dee dee.

37 Goo kun kp  u n  , g  anu nu koro,
Yinni Gusuno   kun nin wooda w .

38 Wi, Gusuno W rukoo
wiya u ra de gea ka k sa yu na.

39 N n m n na, mban s na t nu u ko n weeweenu
m .

U de u weeweenu ko win durum s .

40 Yen s , i de su bes n daa m eri
kpa su ye w  ri
su wa su ka g sirama Yinni Gusun n mi.

41 Gusuno u w  a w  ll .
I de su n ma yiyya su n n kana.

42 Su n  , Yinni, sa durum kua,
sa nun seesi.

A   sun suuru kue.

43 A t i berua wunen m ru bakan s ,
ma a sun naa gira a go w  nw  ndu sari.

44 A dua guru wiru s   a ku ka bes n kanaru n n s .

45 A dera ba sun garisi nge kubanu bwesenun
suunu s  .

46 Bes n y  ber ba kpuro ba sun naa kuurim .

47 Ye ya sun tie, yera nandabu ka berum,
domi ba bes n y  nu gura,
bes n tem mu kua bansu.

48 Wee na n ni y  resu kokum 
y  n s  nen t mba kam kua.

49 N n n ni y  resu kokum , su   y  re,

50 na ka mara Yinni Gusuno u nen laakari koom 
w  llun di,

51 kpa u wa ma ye ya Yerusalemugib  deemam ,
ya nen nuki sank .

52 Be ba man tusa kam s  
ba man naa gira nge gun .

53 Ba k  bu nen w  aru kpeesia w  ru s  .

Ba man kpenu kasuka.
54 Nim mu man mwεεmɔ,
ma na nεε, na kam kuawa.
55 Saa ye sɔɔ, na kanaru kua na nεε,
Yinni Gusunɔ, na nun soka saa wɔru ge sɔɔn di,
56 ma a nεn nɔɔ nuā.
A ku wunen swaa kɔre.
A nεn wuri ka nεn weeweenu nɔɔwɔ.
57 Dɔma te, a man susi,
a man sɔɔwa a nεε, n ku berum ko.
58 Yinni a man siria
ma a nεn wāaru yakia.
59 A wa kɔsa ye ba man kua,
a man sirio.
60 A wa mɔru ye ba man kɔsiemɔ
ka nɔɔ tia ye ba mɔ bu ka man seesi.
61 Yinni Gusunɔ, a ben wɔma nuā ye ba man
koosimɔ.
62 A ben nɔɔ tia wa ye ba man koosi
ba ka man gerusimɔ tɔɔ baatere.
63 Ye ba mɔ kpuro sɔɔ gesi,
nεnɔ ba ra n womu dokemɔ.
64 Yinni Gusunɔ, na yε ma kaa bu kɔsie
nge me ben kookoosu ne.
65 Kaa ben gɔrun nɔni wɔke
kpa a de wunen bɔri yi n sãa ben baa.
66 Kaa bu naa gira ka mɔru baka
kpa a bu kpeerasia
ba kun maa wāa tem me sɔɔ.

Yerusalɛmugibun wahala tabun sɔ

4

¹ Yinni Gusunɔn sãa yerun wura gea ye, ya tĩra.
Ten kpenu nu yari swεε kpuro sɔɔ.

- 2** Yerusalémun tən be ba raa garisi nge wura gea,
ba gisə bu garisiwa nge tem mənnu.
- 3** Baa ka gbeeku bɔ̄nə, nu ra nin binu bom kẽ.
Adama nən təmbu ba ñ ben bibun wənwəndu mə.
Ba sāawa nge taataa niru te ta wāa gbaburə.
- 4** Ba dera ben bii w  enun yari mani nin darosu s  o
nim n  run s  .
Bibu ba d  anu kasu, adama goo sari wi u koo bu w  .
- 5** Be ba ra raa d  a geenu di,
ba gbisukum   sw  e s  o.
Be ba seeya doo n  oru s  o,
ba kubanu b  urimo.
- 6** N  en t  ambun s  eyasiabu bu kp  , bu Sodomugibu
kere,
wuu ge Yinni Gusun   u kpeerasia n  ni kp  aki teeru
goon n  ma sari mi s  o.
- 7** Ben sina bibu ba raa w  su bururam kere.
Ba mam bom bekum bururam kere.
Ben wasin g  na ra n s  riwa
kp   ben wuswaa ya n ballim   nge kpee gobiginu.
- 8** Adama t   ba d  o durom t  ram kere.
Ba ku ra maa bu tubu sw  e s  o.
Ba woorewa sere ben g  na ya kukunu mani.
Ma ben wasi gberé nge d  a gbeba.
- 9** Be ba gbim   tabu s  o, ben g  a buram bo
n kere be ba ra n  ni s  ore
bu woora g  orun s   bu sere gbi.
- 10** Baa me bii merobu ba ben bibu k   too,
ka me, ba bu yikum   ba dim  
wahala ye ya be, n  en t  mbu deeman s  .
- 11** Yinni Gusun   u win m  ru kpuro s  esi,
u Yerusal  mu d  o s  re
ma ya d  o mwaara sere ka yen kpe  kp  eku  .

12 Sina boko goo n̄ kun m̄e t̄n diro goo sari handunia s̄o
wi u raa tamaa yibere u koo kp̄i u du Yerusalemun gbāraran k̄ennən di.

13 Wahala baka yeni ya nawā
Gusunən s̄om̄ebu ka yāku kowobun toranun s̄ō.
Domi bera ba be ba n̄ toranu ganu kuen yem yari
Yerusalemun swēe s̄o.

14 Ba ra n̄ sirenēwa swēe s̄o ba n̄ babi nge w̄kobu
ba n̄ disi s̄o wa t̄ombun yem s̄ō.
Goo kun kākə u mam ben yānu baba.

15 Bā n̄ da t̄ombun b̄ekuə, ba ra bu girewā bu n̄ee,
i doonə minin di, beə disigibu.
I ku susimə i sun baba.
Yera ba ra doone min di ba kun yē mi ba dəo.

Bā n̄ maa wāa bwese tukunun suunu s̄o,
nu ra bu s̄ōwa nu n̄ee,
i ku sina besen suunu s̄o mini n̄ ka te.
16 Yinni Gusunən tii u bu yarinasia ka m̄oru.

U n̄ k̄i u bu wa.
U n̄ ben yāku kowo goo doke gāanu.
U n̄ maa ben durə t̄kənun wənwəndu kue.

17 Sa swaa m̄eera sa wasira
su ka wa m̄in di somira koo sun naawa.
Sa raa bweseru garu m̄eera
te sa yīiyə ta koo sun faaba ko.
Wee, ta n̄ sun faaba kue.

18 Yibereba ba besen sanu sanusu m̄eera,
bu ka sun yinari su da wuun batuma s̄o.
Besen ḡo turuku kua.

Besen wāarun t̄ra kpawa mi.

19 Besen yibere be, ba gunə bakeru sāabu kere.
Ba sun yɔɔru bwēyē gbaburə.

Ba sun naa gire sere guunu wollo.

²⁰ Besen sinq boko wi u dera sa wāa,
wi, wi Yinni Gusunō u gøsa,
wee, ba nùn yina mwa.

N deema sa raa nεε,
win saabuwa sa ka tii mɔ bwesenun suunu sɔɔ.

²¹ Beε maa Edəmuba, beε be i wāa Usiø,
i ko kpĩ i nuku dobu ko tẽ,
adama i n yẽ ma siribu beε mara.

I ko i ko nge be tam mu goomɔ kpa i tereru yɔra.

²² Beε Yerusaleμugibu, beεn seeyasiabu kpa.

Ba ñ maa beε yoru mwaamɔ bu ka doona.

Adama beε Edəmuba, Yinni Gusunō u koo beε mɔru
kɔsia,
kpa u beεn toranu terasia.

Yinni Gusunō, a de su wurama wunen mi

5

¹ Yinni Gusunō, a yaayo ye n sun deema.

A meεrio a wa nge me sa wāa sekuru sɔɔ.

² Besen tem me a sun wẽ mu kua gabugim.

Tɔn tukoba ba wāa besen diaø.

³ Besen baababa ba gu,

ma besen merobu ba gɔminiru sɔ.

Sa wāa tundobu sari.

⁴ Gobiya sa ra kɔsie su sere besen tiin dəkən nim no.

Gobiya sa ra maa ka besen tem dãa dwe.

⁵ Wee, besen yibereba ba sun yoru diisiamɔ.

Sa wasire, ba ñ maa sun wẽrabu wẽemɔ.

⁶ Sa Asirigibu ka Egibitigibu dñanu kana.

⁷ Wee, besen baababa ba kɔsa kua,

adama ba ñ maa ka sun wāa.

Besera sa yen wahala sɔɔwa.

8 Yoba ba kua besen yinnibu.

Goo maa sari wi u koo sun wôra ben nôman di.

9 Sa ra besen wâaru kari bôriewa,
domi sa ra ka yibereba tabu kowa gbaburô
su sere wa su di.

10 Gôørûn sô besen wasi swîa nge pëe wôô yeru.

11 Ba tön kurôbu ka wôndiaba gabirimô

Yudan tem kpuro sôô ka sere Yerusalemô.

12 Ba besen wirugibu mwêera ba soora doke.

Ba ñ durô tôkônu bêere wë.

13 Ba besen aluwaasiba mwêera nge yobu bu ka som
nam.

Ma biba dâa guramô ba wôrukumô yen bunum sô.

14 Besen bukurobu ba ku ra maa sine
bu siribu ko siri yerô.

Meyâ besen aluwaasiba ba ku ra maa womusu ko.

15 Besen nuku dobu bu kpa.

Besen nuku dobun yaabu gôsira nuku sankiranu.

16 Besen bêere ya kpa.

Anna a wahala baka wa tora ni sa kuan sô.

17 Gisô sa nuki sankire,
ma sa nôni yîresu kokumô,

18 yèn sô guu te ba mà Siøni ta kua bansu,
ma ta kua gbeeku bônnun wâa yeru.

19 Adama wunê Yinni Gusunô, a sâawa sunô.

Kaa n bandu diiwa sere ka baadommao.

20 Kaa n sun deriwa n ka te?

Mban sôna kaa n sun duari sere ka baadommao.

21 Yinni Gusunô, à n nee, su wurama wunen mi,
sa ko wurama.

A de besen wâaru tu wurama nge yellu.

22 Kaa n ka sun môru baka sâawa?

Kaa n sun deriwa mam mam?

Bibeli Gusunɔn Gari
The Holy Bible in the Baatonum language of Benin,
also called the Bariba language

copyright © 2013 SIM

Language: Bariba (Baatonum)

Translation by: SIM International

Bariba, Bibeli Gusunɔn Gari

This translation, published by the UEEB/SIM au Benin, was published in 1996.

If you are interested in obtaining a printed copy, please contact the SIM at SIM, BP 15, Parakou, Benin.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

PDF generated using Haiola and XeLaTeX on 11 Nov 2022 from source files
dated 29 Jan 2022
00601790-b883-5da1-83f2-d05a7fa289a8